

Script of Evening Gojri News Bulletin 03 July 2024 at 1700 Hrs

ایوننگ گو جری نیوز بلیٹن مو رخہ 03 جولائی 2024

یوہ آکا شوانی جموں بے محمد مبارک ماہر تے محمد اکرم چودھری تیں خبر سنو۔ پہلاں
خاص خاص خبر۔

- *1- وزیر اعظم نریندر مو دی نے کانگریس ور الزام لاتاں واں اُن نانہہ آئین غو سب تیں بڑو مخالف قرار دتو۔ تے کہیو جے جموں کشمیر مانہہ دہشت گردی غے خلاف لڑائی آخری مرحلہ مانہہ ہیتے دہشت گردی تے علیحدگی پسندی ختم ہو رہی ہے۔
- *2- بھارتی فوج غا سربراہ جنرل اوپندرا دوی ویدی نے جموں کشمیر غا سرحدی ضلع پونچھ غا قبضہ لکیر غو دورو لا غے کا روئی تیاریاں بارے جانزو لیو۔
- *3- سرحدی حفاظتی دستا بی ایس ایف غا کشمیر فرنٹیر انسپکٹر جنرل اشوک یا دو نے امرناتھ یا ترا غا سلسلہ مانہہ کا روئی تیاریاں گو جانزو لیو۔
- *4- مرکزی وزیر اشونی ویشنوو نے عالمی بھارت مصنو عی ذہانت اجلاس غو افتتاح کرتاں واں بھارت غا مصنو عی ذہانت عی ٹیکنالوجی نانہہ جمہوری بنان غا ہدف ور لو کہلی۔

خبریں غی تفصیل نال پہلاں محمد مبارک ماہر۔

PM RS

وزیر اعظم نریندر مو دی نے پارلیمان سنگ خطاب کرتاں واں کانگریس ور سخت تنقید کی اور اُن ور آئین غی سب تیں بڑی مخالف ہون گو الزام لایو۔ وزیر اعظم نے صدر جمہوریہ درویدی مرمو غا پارلیمان غا دوہاں ایواناں گا سانجھا اجلاس ور خطاب غا شکر یہ تحریک غو راجیہ سبھا مانہہ جواب دیتاں واں درجہ فہرست ذات، درجہ فہرست قبیلہ تے دوجا پسماندہ طبقاں ور کانگریس غا نظریہ تے سوچ غی مزمت کی۔ اُن نے کانگریس غی طرفوں پسماندہ طبقاں غی مخالفت سابق صدر جمہوریہ رام ناتھ کو بند تے صدر جمہوریہ درویدی مرمو جیسا رہنماواں غی بے عزتی قرار دتو۔ آئین غا تقدس ور زور دیتاں واں وزیر اعظم نریندر مو دی نے اس غا رہنما اصولاں نانہہ حکمرانی واسطے اہم قرار دتو۔ وزیر اعظم نے آئین غی 75 ویں سالگراہ منائی تے یوم دستور منان غی مخالفت کرن آلاں غی نقطہ چینی کرتاں واں اس غی اہمیت نانہہ قومی جشن غا طور ور اُجاگر کیو وزیر اعظم نریندر مو دی نے اپنی سرکار غے تحت حاصل کردہ کامیابیاں نانہہ وی اُجاگر کیو۔ جس مانہہ پردھان منتری کسان سماج یوجنا تے کوئیڈ 19 للکاراں غے باوجود بندو ستان غی معاشی ترقی سر فہرست رہی۔ انہاں نے حق رائے دیہی غا باہدا ور زور دیتاں واں آئینی اقدار غی خاطر اپنی انتظامیہ غا عزم ور عوامی اعتماد غی تصدیق کی۔ اس تیں علاوہ وزیر اعظم نریندر مو دی غی تقریر غے دوران حزب اختلاف نے واک آؤٹ کر دتو جس ور اُن نے ایوان بالا غی توہین غا طور ور تنقید کی تے نال جواب سنن واسطے اُن غی عدم دلچسپی غو اشارو دتو۔ راجیہ سبھا غا چیرمین جگدیپ دھنکڑ نے وی حزب اختلاف غا رویہ ور برہمی غو اظہار کیو۔ راجیہ سبھا مانہہ گذشتہ روز اُتر پردیش غا ضلع ہتراس مانہہ ہوا افسوناک حادثہ مانہہ اپنی زندگی گوان آلاں نانہہ خراج عقیدت وی پیش کیو گیو۔ راجیہ سبھا غا سربراہ جگدیپ دھنکڑ نے اس افسوسناک حادثہ ور ڈونگا دکھ غو اظہار کیو تے نال ہی

زخمیاں نانہہ طبی سہولیات غی فراہمی اور اس معاملہ غی جہان بین واسطے انتظامیہ غی طرفوں اک کمیٹی تشکیل دین با رے دسیو۔

RS Sine Die

راجیہ سبھا غو اجلاس اج غیر معاینہ مدت واسطے ملتوی کر دتو گیو ہے۔ ایوان بالا مانہہ صدر جمہوریہ درویدی مرمو غا سانجھا اجلاس غا خطاب ور شکریہ غی تحریک تیں بعد چیرمین جگدیپ دھنکر نے اس سلسلہ مانہہ اعلان کیو۔

Army Chief Visit

فوجی سربراہ غو عہدو سنبھالن تیں بعد جنرل اوپیندا دوی ویدی نے اج سرحدی ضلع پونچھ غو پہلو سرکاری دورو کیو۔ انہاں نے چوکسی غی اہمیت تے قبضہ لکیر غی نگرانی واسطے جدید ٹیکنالوجی غا استعمال ور زور دتو۔ دورہ غے دوران خطہ مانہہ تعینات افسران سنگ چوٹی غی گل بات وی کی۔ فوجی سربراہ نے سرحدی علاقان غی حفاظت نانہہ یقینی بنان واسطے کیا گیا اقدامات غو جائزو لیو۔ ان غے ہمراہ شمالی کمانڈ غا سربراہ جی او سی ایم وی سچندرا کمار تے 16 کور غا جی او سی نوین سچدیوا تے 25 کور غا جی او سی گورو ریشی وی موجود تھا۔ جنرل دوی ویدی نے افسران نانہہ ہدایت دتی کہ قوم غی سالمیت واسطے چوکسی بہت ضروری ہے تانجے قوم نانہہ تحفظ دتو جا سکے۔ مزید کہیو جے نگرانی غی صلاحیتاں نانہہ بدھان واسطے تکنیکی وسائل نانہہ بروے کار لیان تے اس گل نانہہ یقینی بنائو چاہیے کہ مہاری سرحد محفوظ رہیں۔

IG BSF Yatra

سرحدی حفاظتی دستاں گا انسپکٹر جنرل کشمیر اشوک یا دو نے اج امراتھ یا ترا واسطے جنوبی کشمیر مانہہ پہلگام غے نیڑے تعینات حفاظتی دستاں غی عملیاتی تیاریاں گو جائزو لیو۔ 52 تہاڑاں ور مشتمل امراتھ یا ترا پچھلا پارین اننت ناگ ضلع غا ننوان پہلگام تے ضلع گا ندربل غا بالتال آلا دوباں رستاں تیں شروع ہوئی تھی۔ ذریعان غے مطابق پہلا 4 تہاڑاں مانہہ 74 ہزار عقیدت مندان نے پوتر گفہ غا درشن کیا ہیں۔ مذکورہ امراتھ یا ترا غے چلتیں یا تریاں غی حفاظت نانہہ یقینی بنان غا سلسلہ مانہہ جموں کشمیر پولیس تیں علاوہ مرکزی مسلح پولیس فورس سی اے پی ایف تے فوج وی اوچیں تھاریں تعینات کی گئی ہے۔ بی ایس ایف غا اک ترجمان نے دسیو ہے جے مذکورہ افسر نے تمام حفاظتی صورتحال غو جائزو لیو ہے۔ تے اس دوران آئی جی نے جوانان سنگ وی گل بات کی تے ان نانہہ مزید چوکس رہن غی ہدایت دتی۔ واضح رہے جے جاری امراتھ یا ترا 19 اگست نانہہ اختتام وے گی۔ پچھلے بہرے مذکورہ ستھان ور 4 لکھ 50 ہزار عقیدت مندان نے حاضری دتی تھی۔

CAC SANJY

شری امراتھ یا ترا واسطے صفائی بیداری مہم دوجے تہاڑے گھنٹا گھر لال چوک سرینگر مانہہ بڑا جوش و خروش سنگ جاری رہی۔ یا تریاں غو شاندار استقبال ثقافتی عزم غے سنگ کیو گیو۔ اس تقریب غی مہمان خصوصی کہر کوٹھان تے شہری ترقیات محکمہ غی کمشنر سیکریٹری مندیپ کور تھی۔ اس موقع ور لوکان نے سمارٹ سیٹی غا مشیر کیشور رما تیں علاوہ سرینگر میونسپل کارپوریشن غا اعلیٰ افسران وی موجود تھا۔ اس موقع

ور بہت سارا متعلقہ کماں با رے وی غور و فکر کیو گیو۔ اس طرح سنجے 2024 با رے سرینگر میونسپل کارپوریشن تے شہری بلدیاتی اداراں نے مذکورہ مقصد مانہہ اہم رہیا ہیں۔

JKTPO

جموں کشمیر تجارتی فروغ با رے تنظیم نے اج ضلع انتظامیہ پونچھ غا تعاون سنگ پونچھ مانہہ بورڈینگ ڈرائیو ور ای کامرس غا اک سلسلہ غو انعقاد کیو۔ اس قدم غو مقصد مقامی کارپوریشن، کساناں، اپنی مدد آپ گروپاں وغیرہ تک رسائی مانہہ بدھانو ہے۔ ایڈیشنل ڈپٹی کمشنر پونچھ سندیش شرما نے مذکورہ ورکشاپ غو افتتاح کیو۔ اس تیں بعد مہارا نمائندہ سنگ گل کرتاں واں اس طرح کہیو۔۔۔ با نٹ۔

یہ خبر تم آکا شوانی جموں تیں سن رہیا ہیں خبراں غا باقی حصہ نال محمد اکرم چودھری۔

Global India AI Summit

برقیات تے اطلا عاتی ٹیکنالوجی غا وزیر ایشونی ویشنوو نے اج نوی دہلی مانہہ عالمی بھارت مصنوعی ذہانت اجلاس مانہہ مصنوعی ذہانت غی ٹیکنالوجی مانہہ جمہوری بنان غا بھارت غا ہدف ور لو کہلی۔ اُن نے کہیو کہ بھارتی سرکار تاواں ہی اس مشن مانہہ شروع کرے گی۔ جس غی مالیت 10 ہزار کروڑ روپیا ہے۔ اُن نے دسیو ہے یوہ قدم سرکار تے نجی شراکت داری غے ذریعے 10 ہزار یاہ اس تیں متا واضع عمل غی وحدت جی پی یوز غے نال مصنوعی ذہانت با رے شماری ڈھانچہ مانہہ سرمایہ کاری کرے گو۔ اُن نے دسیو ہے اس غے نال اک مصنوعی ذہانت با رے جدید مرکز وی قائم کیو جا ئے گو۔ جس غو مقصد اعلیٰ معیار غا ڈیٹا سیٹاں غے نال تحقیق ور توجو دتی جا ئے گی۔ مذکورہ وزیر نے خطرات مانہہ کہت کرن اور حفاظت مانہہ یقینی بنان غا سلسلہ مانہہ مصنوعی ذہانت مانہہ فعال بنان با رے قانون سازی واسطے جاری کوششاں گو وی ذکر کیو۔ اس افتتاحی تقریب مانہہ جاپانی وزیر بیروشی یوشیدہ، اطلا عاتی تکنیک محکمہ غا وزیر مملکت جتن پرساد، آئی ٹی وزارت غا سیکریٹری ایس کرشنن، سافٹ ویئر تے کمپنیاں غی خدمات با رے قومی تنظیم نسکام غی صدر دجینی گوش تے عام مصنوعی ذہانت غا نائب صدر سرینواس نرائین نے خطاب کیو۔ اس دوروزہ سربراہی اجلاس غے دوران مصنوعی ذہانت با رے اپلی کیشن، انتظامیہ، ذہانت غی ترقی تے بتر غی نوی راہ غو احاطو کرن آلا میقات غو خاکو پیش کیو۔

Jaishanker Russian EAM

خارجہ امور غا وزیر ڈاکٹر ایس جے شنکر نے اج قزاقستان غا آستانہ مانہہ اپنا روسی ہم منصب سرگے لورو سنگ بھارتی شہریاں با رے نویں دہلی غی طرفوں شدید تشویش غو اظہار کیو۔ جہڑا کہ اس وقت جنگی واردات آلا علاقہ مانہہ ہیں۔ ڈاکٹر جے شنکر نے ان مانہہ محفوظ تے جلد واپسی ور زور دتو۔ اس تیں علاوہ دوہاں وزراء نے شہنگانی تعاون تنظیم غا سربراہی اجلاس غا موقع ور بھارت روس دوطرفہ شراکت داری تے عصری مسائل ور بڑا پیمانہ ور گل بات کی۔ اُنہاں نے گذشتہ سال دسمبر مانہہ اپنی ملاقات تیں بعد کئی شعباں مانہہ ہون آلی پیش رفت مانہہ نوٹ کیو۔ ڈاکٹر جے شنکر نے سماجی میڈیا پیغام مانہہ کہیو کہ عالمی حکمت عملی منظر نامہ ور تبادلہ خیال کیو تے جا نزاں تے نقطہ نظر غو تبادلہ وی کیو ہے۔

Aditya L1 Space Craft

بھارت گا پہلا شمسی مشن آدتیہ ایل ون خلائی جہاز نے سورج (دیں) تے زمی (زمین) ایل ون مقام ور اپنو پہلو مدار مکمل کر ليو ہے۔ اسرو نے دسیو ہے جے گذشتہ روز اس غی سٹیشن کیپینگ مشقاں نے دوجا ہالو مدار مانہ بغیر کسے رکا وٹ غے منتقلی نانہ یقینی بنایو۔ واضع رہ جے آتیہ ایل ون مشن مانہ اک ہندوستانی شمسی رصد گاہ ہے۔ جس غو آغاز 2023 نانہ کیو گیو تھو اوراس نانہ 6 جنوری 2024 نانہ اپنا ہدف کر دہ ہالو مدار مانہ داخل کیو گیو تھو۔ اسرو غے مطابق آدتیہ ایل ون خلائی جہاز نانہ اپنا ہدف تک پُجن مانہ 178 دن لگا ہیں۔

CS SDD

چیف سیکریٹری اتل ڈلو نے گذشتہ روز ہنر ترقیات با رے محکمہ غے نال رل غے پولیٹیکنک کالجاں تے صنعتی تربیتی اداراں مانہ ہنر نانہ بابدو دین با رے کم کاج غو جائزو ليو۔ چیف سیکریٹری نے یوٹی غا اُن تکنیکی اداراں غی طرفوں پیش کیا جان آلا کورساں غی حثیت تیں علا وہ طلباء غی دلچسپی ور رد عمل غو وی مشاہدو کیو۔ جناب ڈلو نے پردہان منتری وشوکرما سکیم غے تحت بکھ بکھ تربیت نانہ بابدو دین آلی پیش رفت غو جائزو ليو۔ اس تیں علا وہ اُن نے مرکزی مالیت آلی سکیمان گا عمل درآمد غو وی جائزو ليو جن مانہ سنکلپ، پردہان منتری کوشل وکاس یوجنا وغیرہ شامل ہیں۔

Farmers Reasi

ضلع انتظامیہ ریا سی نے اج پنتھل بلاک غا بکھ بکھ کساناں نانہ 3 ٹریکٹراں سمیت ذراعت با رے مشین دتیں۔ یہ مشین وزیر اعظم نریندرمو دی غا پروگرام آتم نربہر بھارت غے تحت دتی گئیں۔ مہارا نمائندہ دویندر ٹھاکر سنگ گل کرتاں وا ڈپٹی کمشنر ریا سی وشیش مہاجن نے اس طرح کہیو۔ بانٹ۔

اس غے نال ہی خبراں غو یوہ بلیٹن ختم ہوؤ۔